

Hozsan Si Hai Hoih Cwngdangj Caemhciek Hwnqguh Gih Guhyiengh Couqmaenh Gij Eiqsik Caezcaemh Cunghvaz Minzczu

10 nyied 29 hauh, Hozsan Si hai hoih cwngdangj caemhciek hwnqguh gih guhyiengh couqmaenh gij eiqsik caezcaemh Cunghvaz Minzczu.

Aen hoih giengzdiuh, aeu laegdaeuq gaemdawz gij neihanz youqgaenj hong couqmaenh gij eiqsik caezcaemh Cunghvaz Minzczu, dawz hwnqguh "haj aen suenranz" guh aen muzbyauh fuengyiengq hong couqmaenh gij eiqsik caezcaemh Cunghvaz Minzczu. Haeujlaeg hagsib gvancez gij swhsiengj youqgaenj Siz Ginbingz cungjsuhgi gvendaengz guh ndei hong

dungjyiz cansen dangj seizdaih moq, laegdaeuq roxyiuj gij eiqsei youqgaenj "song aen dinghlaeb", giengiet guh daengz "song aen henhoh". Aeu biucinj cei q ndei bae lozsiz ndei gak hangh yinvu, doidoengh saehnieb dungjyiz cansen caeuq lai aen dangj doxgap cangqheiq hwnqfat.

Aen hoih iugouz, gak gaep gak bouhmonz aeu genhciz couqmaenh gij eiqsik caezcaemh Cunghvaz Minzczu guh diuz sienqmeh daengx si gak hangh hong, cietsaed gyagiengz aen dangj lingjdauj,

mboujduenh gyamaenh hwnqfat gizmen ndei gak cuz yinzminz doxgiet haenqrengz guh. Gak boux daibyauij aen minzczu dangjbai, sevei donzdij aeu haeujsim hong cungdenj caeuq vwndiz yezdenj nanzdenj gwnzbiengz, cungfaen fatok gij ndeicawq dungjyiz cansen lienzhab gvangqlangh, swhyenz fungfouq, gyonjcomz rengz dungxcaiz gak fueng, haenqrengz sij biencieng gij yendaiva yiengh Cungguk Hozsan.

(吴伯伦/Vuz Bwzlunz)

Ningzmingz:

"Hagdangz Gyaiqbaiz" Cukmaenh Cingsaenz Gyaezguk Cuiji

11 nyied 2 hauh, minzgingj Ningzmingz Yen Swlang Henzguk Baicuzsoj youq henzgyaiq Cungguk caeuq Yeznanz 1206 hauh gyaiqbaiz gangj goj gyaiqbaiz hawj ginzung. Bineix doxdaeuj Ningzmingz Yen gak aen baicuzsoj henzguk guh "hagdangz gyaiqbaiz", doiq ginzung guh gyaezguk cuiji gyauyuz, gozfangz gyauyuz caeuq saekhoengz gyauyuz, cukmaenh gij cingsaenz gyaezguk cuiji daihgva ndiepgyaez henzguk, ndiepgyaez gukcoj, ndiepgyaez hozbingz.

(周始刚/Couh Yizganh)

► Minzgingj youq 1206 hauh gyaiqbaiz gangj goj gyaiqbaiz hawj ginzung.



▲ Canghyw bang vunzmbanj yawj bingh.

Yungzsuij:

Dangjyenz Daengz Mbanjmyauz Yawjbingh Mbouj Sou Ngaenz

10 nyied 30 hauh, Liujcouh Si Yungzsuij Myauzczu Swciyen Yinzminz Yihyen 10 lai boux canghyw dangjyenz daengz Bwzyinz Yangh Lungzcwnz Mbanjmyauz, cimdoi q bingh ciengz raen caeuq bingh lai fat seizcou seizdoeng, mienxcienz vih ginz-

cung daezhawj genjcaz, camcaz caeuq conhyez cijdauij daengj, haeuj ranz bae bang gij vunzmbanj ok dou mbouj fuengbienh haenx, hawj ginzung youq bakdou ranz yiengjsouh fuzvu veiswngh yihliuz ndei.

(龙涛/Lungz Dauh)

Vuzcouh:

Saevuengz Doxdax Ndeiyawj Raixcaix



▲ Duzsaeceij youq gwnz dongh saetdiuq.

11 nyied 3 hauh, Vuzcouh Si guh 2024 nienz Lingjnanz(Vuzcouh) saevuengz doxdax, 12 aen doihxae Huznanz, Fuzgen, Gvangjdungh, Gvangjsih doxlwnz hwnj daiz yienj, ndeiyawj raixcaix, baenz cien baenz fanh boux vunz daeuj yienhciengz yawj doxdax. Gingvauq bejbuek haenqrem, Gvangjsih Dwngzyen doihxaeceij, Gvangjsih Canghvuz Luzbaujcaz doihxaeceij ndaej gimciengj. Hozdung neix fungfouq le ndwenngoengz vunzlai, hix cienzciep hwnqfat feihyiz vwnzva.

(黎杰源/Liz Gezyenz)